



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn


### **Resolutiones Pastorales De Præceptis, Vitiis Capitalibus, Et De Sacramentis**

**Marchantius, Jacobus**

**Coloniæ Agrippinæ, 1655**

Fel. Rec. Urbani VIII. Constitutio 19. Bullarii tom. 4. Urbanus Papa VIII. Ad  
Futuram Rei Memoriam.

**urn:nbn:de:hbz:466:1-41699**



FEL. REC. URBANI VIII. CON-  
stitutio 19. Bullarii tom. 4.

URBANUS PAPA VIII.  
Ad Futuram Rei Memoriam.

CUM, sicut accepimus, aliquibus  
Religiosis quorundam Ordinum  
seu Congregationum à Sede Apostoli-  
ca indultum fuerit, ut sacramentales,  
personarum sæcularium Confessiones  
audire valeant, etiam si ab Episcopis  
Diocæsanis ad id examinati, & appro-  
bati non fuerint; nec desint, qui teme-  
rè asseverent, hoc ipsum Privilegium  
cæteris quoque aliorum Ordinum Re-  
gularibus competere, ex amplissimis  
Privilegiis communicationibus,  
quas ab eadem Sede Apostolica obti-  
nerunt, & hinc saluberrimum Sacri  
Concilii Tridentini Decretum, desu-  
per sancitum penitus evertatur; Nos  
huic malo opportunè providere vo-  
lentes. De Ven. Fratrum nostrorum S.  
R. E. Cardinalium negotiis regularium  
præpositorum consilio, omnia, & sin-  
gula



*Vrbani VIII.*

gula indulta huiusmodi, audiendi sa-  
cularium Confessiones absque Ordini-  
arii examine & approbatione, qui-  
busvis Collegiis, Capitulis, Religio-  
nibus, Societatibus etiam Societati  
Jesu, Congregationibus, & Ordini-  
bus, tam mendicantium, quam non  
mendicantium, nec non Monachorum  
quorumcunq; etiam S. Benedicti, Ci-  
sterciensis, & Carthusiensis, ac etiam  
quibusvis Militiis, etiam Hospitalis S.  
Io. Hierosolymitani, ac quibuscunque  
Ecclesiis etiam Patriarchalibus & Me-  
tropolitanis, Monasteriis, cæterisque  
locis piis, sive eorum & earum res-  
pectivè Abbatibus, Præpositis, Decanis,  
Magistris, Ministris, Prælatiis, Prio-  
ribus, Rectoribus, etiam Generalibus,  
vel Provincialibus, Capellanis, Con-  
fessariis aut aliis quocunque nomine  
nuncupatis Superioribus, & personis  
quibuscunque etiam quomodolibet  
exemptis, ac Sedi Apostolicæ imme-  
diatè subjectis cujuscunque dignitatis  
præminentia, & conditionis existen-  
tibus, & quovis privilegio munitis, &  
tam



*Bulla fel. rec.*

nam ad supplicationem partium, quàm Motu proprio, & ex certa scientia, ac de Apostolicæ potestatis plenitudine hætenus quâdocunque & qualitercunque ex quavis, etiam de necessitate exprimenda causa, & aliàs quomodolibet concessa, Apostolica auctoritate, tenore præsentium revocamus, cassamus, tollimus, abrogamus, & annullamus, viribusque & effectu evacuamus, ac revocata, cassa, sublata, abrogata, & annullata, viribusque & effectu vacua esse, & fore, nec Religionibus, Societatibus, etiam Societate JESU, Congregationibus, Ordinibus, ac Militiis, & Ecclesiis, Monasteriisque prædictis, eorumque Superioribus & personis quibuscunque in posterum ullo modo suffragari, minusque illos, & illas etiam si de iis specialis, specifica, expressa, ac de verbo ad verbum mentio habenda foret, indultis hujusmodi uti posse, præsentibus verò literas, & in eis contenta quæcunque etiam ex eo quod quicunque in præmissis interesse habentes, seu habere prætendentes

dentis



*Urbanus VIII.*

uentes ad hoc vocati , & auditi non fuerint, de subreptionis, vel obreptionis vitio, aut intentionis nostræ , vel alio quocunque defectu notari , impugnari, redargui, in jus, vel controversiam revocari, ad terminos juris reduci, aut adversus illas quodcunq; juris, gratiæ , vel facti remedium impetrari nullatenus posse, sed illas semper validas , & efficaces existere, & fore, suosque plenarios & integros effectus sortiri, & obtinere ; Sicque per quoscunque Judices Ordinarios & delegatos, etiam causarum Palatii Apostolici Auditores, ac S. R. E. Cardinales etiam de latere Legatos , & Nuncios, sublata eis , & eorum cuilibet quavis aliter judicandi , & interpretandi facultate, & auctoritate judicari ; & definiri debere, ac irritum, & inane quicquid secus super his à quoquam quavis auctoritate scienter vel ignoranter contigerit attentari, decernimus, & declaramus. Non obstantibus præmissis , ac quibusvis Constitutionibus & Ordinationibus Apostolicis, Privilegiis



*Bulla fel. rec.*

giis quoque indultis, & literis Apostolicis, Ordinibus, Societatibus, & Congregationibus prædictis eorumq; Præpositis, Decanis, Magistris, Abbatibus, Ministris, Prælatibus, Prioribus, Rectoribus, & aliis Superioribus, Capellanis, aliisque prædictis, sub quibuscunque tenoribus, & formis, ac cum quibusvis etiam derogatoriis, & derogatoriis, aliisque efficacioribus, & insolitis clausulis, ac irritantibus, & aliis decretis, in genere, vel in specie, ac alias in contrarium quomodolibet concessis, confirmatis, & innovatis. Quibus omnibus, & singulis, etiam si pro illorum sufficienti derogatione, de illis eorumque totis tenoribus specialis specifica; expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenoris huiusmodi præsentibus pro plenè, & sufficienter expressis, & ad verbum insertis habentes, illis aliàs in suo robore

per-



*Urbani VIII.*

permansuris, hac vice duntaxat specia-  
liter, & expressè derogamus, cæteris-  
que contrariis quibuscunque. Volu-  
mus autem quòd præsentium tran-  
sumptis, etiam impressis, manuali-  
cujus Notarii publici subscriptis, & si-  
gillo personæ in dignitate Ecclesiasti-  
ca constitutæ monitis eadem prorsus  
ubiq; fides adhibeatur, quæ ipsis præ-  
sentibus adhiberetur si forent exhibi-  
tæ vel ostensæ: Quòdque eadem præ-  
sentes literæ, seu illarum exempla ad  
valvas Basilicarum S. Jo. Lateranensis,  
ac Principis Apostolorum de Urbe, &  
in Acie Campi Floræ affixa omnes ita  
arctent, & afficiant, ac si unicuique  
personaliter intimata fuissent. Datum  
Romæ apud Sanctam Mariam Majo-  
rem sub Ann. Piscatoris, Die XII. Sept.  
M. DC. XXVII. Pontificatus Nostri  
Anno Sexto.

M. A. Maraldus.

*Anno M. DC. XXIX. indictione duode-  
sima pontificatus autem Sanctissimi  
D. N.*



*Bulla fel. rec. Urbani VIII.*

*D. N. Papa Domini Urbani divina  
providentia Papa Octavi. Anno ejus  
Sexto, Die verò luna Octava Ianua-  
rii, Retro scripta litera affixa, & pu-  
blicata fuerunt ad valvas Basilicarũ  
S. Ioannis Lateranensis, ac Principis  
Apostolorum de Vrbe, & in acie Cam-  
pi Flora, ut moris est, per nos Franci-  
scum Pignoccatum & Pompejum Gi-  
ranum eiusdem Sanctissimi D. N. Papa  
Cursores.*

*Brandimartes Latinus pro  
Mag. DD. Curf.*

*Regis-*